

華嚴懸談會玄記卷第八

鉅八

蒼山再光寺比丘 普瑞 集

○自下歸敬請加○鈔歸敬三寶者歸必歸
三要須盡壽及未來際等敬但隨於一寶容
暫教故歸必兼敬敬未必歸二相不同問既

請威加護何不序前致敬荅序但兼述非爲
正故所以前云并序○鈔顯能歸相者起信
疏云歸者是依授趣向義命者總御諸根一
身之要人之所重莫不爲先舉此無二之命
以奉無上之尊又歸者是還源義衆生六根

從一心起而背自源馳趣六塵今舉命根總
攝六情還歸一心一心即一體三寶也今云
無盡三寶同別有異大旨不殊○鈔但云下
問既但云命何有三業故以者字牒之釋此
荅意有二一云身即是命故鈔云人之所重

莫過身命今舉身命之重以攝語意之輕耳
二云命者是意以審察慮知三寶勝田決定
堪歸乃以最極寶重持身之命而歸敬故表
意極重即審慮思及決定思是意業此舉重攝輕必兼身口
展五輪而投地歟十指而當脣能助身意發石馬身業

下讚述之語能發語思
名爲語業以此三業周窮時處普伸歸敬前義稍勝以命者命根身之所依連特色心爲自性故以身釋命義必正也鈔中亦云莫過身命故○鈔初中塵刹有其二義者間上處極十方時世界際何故復云塵

刹耶故此答也一成所依處有三義一上十方三際爲總一一塵中刹等爲別二上十方之刹其數如塵三又上十方刹唯約簾說今兼簾及細故然上第二義及第三義唯約事說俱緣無性皆理也故下鈔云理是佛所住

文影畧故或在下法界中上二融通故事理無礙第一義即事事無礙也具四法界方爲華嚴之所依處也言塵數如來者屬下句也約數以明故○鈔亦無德不圓下有二釋一云復是別一義釋也一云前直彰二果之

體此以用表之不尙何言亦耶二釋隨通言上二自利者或依正二報或菩提涅槃皆自得之利益故○鈔通利自他者即是自利故通二利也言十號之一者一如來做同先跡號二應供堪爲福田號三正遍知偏知法界

號四明行足果從因得號五善逝妙往涅槃
號六世間解達僞通真號七無上士調御丈
夫降生成道號八天人師應根說法號九佛
三覺圓明號十世尊出世獨尊號今即調御
與師不分二別即爲一號即應根說法號也

有云師即天人師即應根說法號調御即降
生成道號則應云十號之二前解爲正鈔主
既自言一何強分二耶或傳寫筆誤後解爲
勝言調御者即調和控御涅槃十八云如御
馬者凡有四種一觸毛二皮三肉四骨隨其

所觸稱御者意如來亦爾一說生令受佛語
如觸毛二說老三說病四說死如觸皮肉骨
名調御丈夫也○鈔成上依處者上座中刹
若無法界豈能成耶言似當約事者前三義
中唯第一義約事事第二義及第三義中似

第八

三

當約事即分義今法界言義兼理事即性分
具足有四法界如前可思言佛身充滿下現
相品文又充滿下妙嚴品文兩處疏釋俱云
所遍法界皆通理事然理實應通四法界等
言二者下即功德大悲雲一一稱四法界故

○鈔亦圓明中別義者謂圓明是總即當菩提涅槃二依之果具於有爲無爲二種功德有爲功德即是菩提所收無爲功德即是涅槃所攝今是有爲功德故云圓明中別義○鈔十力者一處非處力二業力三定力四根

力五欲力六性力七至處道力八宿命力九天眼力十漏盡力言四無畏者一切智無畏二漏盡無畏三說障道無畏四說盡苦道無畏言十八不共法者一身業無悞二無卒暴音三無種種想四無不定五無忘失念六

無不擇捨七欲無退八念無退九精進無退十定無減十一智慧無減十二解脫無減十三身業智爲先導隨智而轉十四語業智爲先導隨智而轉十五意業智爲先導隨智而轉十六知過去無着無礙十七知未來無着無礙十八知現在無着無礙有云依雜集論用十力四無畏大悲三念處爲十八法者二釋皆通言百四十種功德者有二釋一云三十二相八十隨好十力四無畏十八不共合一百四十四鈔舉大數云百四十也二云諸

契經論皆說如來百四十不共功德謂三十
二相八十隨好四一切種清淨
一一切
清淨
謂煩惱
依所緣
於自所依無餘永滅故二煩惱
並諸習氣於自所依無餘永滅故二煩惱
切種並諸習氣於自所依無餘永滅故二煩惱
皆自在故三一一切種心種變化所現一切
根積集故四一切種心清淨謂煩惱已離善
知明嚴重已滅離故一切種智清淨謂煩惱已離善
境中智無障礙自在故十力四無所畏三

經八
四

念住一者一心聽法不憂二者一三不護一
心都絕二不依止利養名大悲無忘失法永害習
聞三不依止利養名大悲無忘失法永害習
氣及一切種妙智也此上功德雖通諸教今
皆無盡以屬當教二解之中後義為勝前解
則文無所據後解則依瑜伽等諸經論故數

亦齊故○鈔大悲普覆下於上無盡德中別
讚大悲而有三義似於雲故一者無緣大悲
覆一切二者徧一切而不分別三者遐霏法
雨等潤群萌故以雲為喻也○鈔毘盧一句
別歸本師者此句全是現相品文問何故一
句歸本師答承恩重故○鈔上云功德下問
前云圓明中別義此言總該無盡其故何耶
答圓明是總體故前云功德是圓明中別義
若但云功德是總復分悲智等為別故有兩
重總別也言別語最勝者果位智強故○鈔

順於光明遍照義故者准下疏釋於毘盧遮那有其三釋一云毘者遍義盧遮那光明照義迴就此方應云光明遍照然有二義一身光偏照云二界道一智光偏照真俗重重法界二身智能所合為一身圓明獨耀具德無

經八

五

邊故立斯號二云毘者種種義盧遮障義那者盡義即種種障盡種種德圓故三云毘者廣大也盧遮生也那者息也謂廣大生息此亦二義一脩成謂慈悲無邊故廣智慧無上故大生相已盡故生息二本性謂藏識包含

種子建立生趣故廣本覺現量與佛等故名大新新生故名生染淨苦樂所不能動故名息此亦真應合論今順初義故然唯順智光明也言深廣故者法華方便品文假使滿世間皆如舍利弗盡思共度量不能測佛智深

也又云而能究盡諸法實相唯佛與佛乃能究竟廣也言大悲深廣者無待無緣故深周偏利樂故廣言智亦如雲者法花云慧雲含潤兩大法雨故然亦具上三義謂普觀一切而無分別含潤法雨故又前言功德下言雖

總該別屬福故又諸佛所依處中云塵刹法界等本師亦然文影畧故○疏所住下言甚深真三字者以法性通諸教故此三字揀之如法性真常離心念二乘於此亦能得今以甚深二字揀之如權教菩薩亦住此法性通以

三字揀之顯所住法性之極也又脩多羅亦總該乎一藏今以圓滿字揀之也○鈔二句歸法下問前云十方已下所歸分齊佛寶中別云塵刹等今法寶中何不別言其處耶答影顯示故問甚深真法性為能依法寶與前

所依處中理法界云何分別答為教所詮名理法是法寶所依名理法界亦猶法性身為能依法性土為所依也○鈔但歸別相下問何不但歸別相而躡前起後亦歸於同相耶故此答也涅槃云若能知三寶常住同真諦

此即是諸佛最上之誓願故亦歸於同相也○鈔然三寶下承前別列初深後淺為次今口科分二

六

一
釋鑑

二
前相二

三
後相二

四
初發心門

五
初發心門

六
初發心門

七
初發心門

八
初發心門

九
初發心門

○鈔一約事就義下於別相事體之上就義各有三寶言即以無漏界功德為體者逐難出體也前言佛體上有覺照義故為佛者不知佛以何為體故此出體也十地鈔引唯識釋云此即無漏界二轉依果諸漏永盡非漏隨增性淨圓明故名無漏界是藏義此中含容無邊希有大功德故或是因義能生五乘

世出世間利樂事故○鈔法有覺性者色性智性無二性故知一切法即心自性誰非覺照教理行果皆有覺性故○鈔在衆無違者僧以和敬為義和通事和理和事和之有六謂身和同集口和無諍意和無違見和同解
戒和同奉利和同均理和即證理聖人謂三賢十地八輩上人等敬謂八敬一百夏尼禮初夏比丘足二尼不得罵謗僧三不得舉僧罪說其過失四已學六法從僧受大戒五尼犯第二篇罪應向二部僧大僧二十中行摩

那婆此云折伏
責高也六尼半月常於僧中求教授

人七不應於無僧處安居八夏訖當於僧中
自恣言無違衆生者即十行願中恒順衆生
願也彼疏云隨順衆生種類根性饒益成就
○鈔今舉佛所住下歸今疏文唯約上說也

畧法上僧各三寶義言理是佛所住者即智
證如如故無漏色聲等皆屬如也十地品佛
住甚深貞法性寂滅無相同虛空所住與能
住而不定異所流與能流亦不定殊故名同
體此以教法歸佛佛歸理法畧不明僧或所

住能住能流所流無相違即僧義也○鈔
二會事下會別相三寶歸一理故如波依濕
三皆依真無如外智能證於如佛歸如矣十
二分教從真流故亦歸真性理和之僧亦因
見理而曰僧故亦歸真理○鈔今舉下亦歸

疏文言皆歸真性者上句顯佛歸真下句顯
法歸真間何不攝僧歸真答疏文畧故如以
真如隨淨緣起有三乘僧等佛法既皆依真
僧亦例之可知經云普賢身相如虛空依真
而住非國土即僧同真也○鈔三約理融現

下約理體上義別有三三義朗然曰現通無
異體曰融故經云於佛性中即有法僧○鈔
由此一門下亦歸疏文也以第一單約事第
二單約理第三一門理義融故令如來住真
法性若無下反顯問第二門攝佛歸真亦令

鉢八

八

佛住真法性與此何別答第二門所歸雖亦
法性然通但空無理融現之義也思之○鈔
三門雖異下結名也初俗次真後中三諦雖
異而第一以事就義故同第二會事從理故
同第三融理事故同故並稱同體也淨名下

引證即彼不二法門品文也彼疏云智無生
佛也理無相法也行無脩僧也正證第二門
義證第三門○鈔是故下結釋也或唯結初
門或總結三門○鈔義說下通難問既云同
體何故說三寶耶上二句通也問既有三寶

義別何故復云同體下三句答也○鈔佛即
橫該一切者法界諸佛爲橫各具十身名號
即別教義言畧舉理教者亦舉勝攝劣故云
甚深真法性圓滿脩多羅佛即是果行乃屬
僧影顯示故僧雖該攝者況言塵方佛會中

則該通大小今云普賢等且偏語大乘僧求一切智故歸佛求證真法故歸法求入聖證故皈僧也○鈔住持三寶下由前別相同體真實三寶餘勢力故令舍利形像凡僧相續不絕故名住持又以此持彼即攝彼二以住

鉢

九

持持同體別相言住持之僧含在菩薩中者即出家五衆文不別說含在諸大士三字之中間如形像致敬損壞於何處得罪福答以像表真於真邊得若爾害凡僧應聖邊得罪答塔像無心命乃從其表僧有心命故不從

聖邊得罪○鈔然三三寶下顯皈分齊言通於諸乘者若同相三門第一門唯除人天通餘四乘但淺深異爾第二門兼除小乘通後曰教第三門兼除權教通後三教若別相住持皆通五乘然就諸教勝劣不同今皈圓教

之勝故云以義料棟皈勝非劣此顯深義故棟餘乘言一理統之下此顯廣義謂以一真無障礙法界統之則普收諸乘三三寶也具此深廣二義爲所歸分齊也○鈔初句明處下間前云十方塵刹法界等今何但云塵耶

答亦影顯示故言况一一下普賢三昧品云
如此界中普賢於世尊前入三昧如是盡法
界虛空界一切國土塵中一一佛前有世界
海塵數普賢所住等覺之位名普賢位不但
普賢一人海會菩薩莫不皆爾言以是海會

之上首下問上首豈唯此二菩薩法惠金剛
藏等豈非上首耶答有所表故不徒然也理
趣經云一切衆生皆如來藏普賢菩薩自體
遍故此表理也下經云文殊常為諸佛之母
般若以為母故此表智也理智冥合即是遮

那三聖圓融故問佛僧二寶俱就人何不立
人法二寶答因果異故問法中亦有因果異
何不立四寶答人用強勝能秉持法是故分
二法不自私合為一寶問法中果法與佛行
法與僧各何別耶答約如米所成義邊總屬

鉢

+

佛寶約諸菩薩施學義邊為僧下地所學義
邊為法寶但約義別體不殊也問此三寶何
故稱寶答依寶性論有六義故名寶一希有
二明淨三勢力四莊嚴五最上六不變六義
似世之寶故稱三寶問三寶次第何故如是

答約勝劣次第謂佛法僧能覺彼法所覺隨受有勝劣故若因果次第謂僧佛法由僧先脩次佛圓滿後得法果若境行次第謂法僧佛以法為境僧脩勝行佛果圓滿若師資次第謂法佛僧法是佛師法先佛次後說僧寶若隨信次第謂僧法佛見僧威儀次信所證然後師佛差示現次第謂佛僧法先本是佛次示為僧法說於後○鈔通顯皈意乃有衆多者准起信疏有六意一荷恩德故二請加護故三今生信故四為儀式故五表尊勝故

六顯益物故行願鈔有七意一顯示吉祥故二令生信故三令知恩德故四為儀式故五表有稟承故六請威加護故七隨順先聖故通上開合總有十意謂後二與前三同後四與前四同後六與前二同也今總相下乃有三意然就中亦可分爲十意第二意中有四意故第三意中有五意雖八
故細尋可了○鈔三寶吉祥者第一意也同行願鈔第一意行願鈔云三寶功德第一吉祥最初皈敬欲令所製义文流通成實論云三寶最吉祥故我經初說言有皈依能辨大事者第二意也然此二句為一意下三句各一意

即具四意也思之智論云佛如良醫法如妙藥僧如看病者故不增減准此三寶能療一切煩惱之病能辦世出世間諸利樂事即論疏第六意也能生有漏無漏者善根故究竟令離二生死苦得大圓滿又一切經初下第

三意然其別論亦有五意具論疏二三四意并行願鈔三四五六七之五意也初二句為一意例六成就令物生信故如是即法寶佛字即佛寶與大比丘衆等即僧寶乃結集者依佛教勑作斯安立令人生信結集佛經既

爾今造疏應然二有五句第二意也暨佛滅後造論諸師亦先皈三寶顯示所學有可宗故三有二句即第三意不率胸襟無我慢故四有一句即第四意求請三寶威力加被護令無難五有一句即第五意使契合故總唯

三意別則具十以表無盡○鈔然上句自謙下前總出意今別消文言一毛測空下迴向品云一毛度空可得邊十地品云一毛度空可知量皆涅槃八種喻中非喻喻也一順喻
二逆喻三現喻四非喻五老喻六後喻七老後喻八遍喻彼設能爾今凡

智測法何能窮盡○鈔但請同體之慈者謂三寶與我師資雖殊性無二體故名同體而言冥等者以疏釋經甚有分別契合之處今言冥暗而契者故云謙詞○鈔第九迴向者問何不令生等佛而等普賢耶卷第九迴向

鈔

三

唯欲等普賢故問何故第九迴向唯要等普賢耶此牒難詞而通也即無着無縛迴向此三十一卷皆說願等普賢故云爾也言良以下出所以也言該因者妙嚴疏說曲濟無遺曰普行也悲隣極亞聖曰賢大智行也此約諸

位普賢地前諸位世界成就疏云一位前普賢謂但發普賢心者即是言徹果及佛後者又云果無不窮曰普故云徹果不捨因門曰賢故云佛後言佛前者德同法界曰普至順調善曰賢此約當位等覺成就品疏云位中普賢即等覺位等覺也

故言諸佛本等者體性周遍曰普隨緣成德曰賢即理事無礙也又云一即一切曰普一切即一曰賢事事無礙法界也故云諸佛本故法界體故○鈔以斯經下由此經所明法界等義皆佛親證即如證而說故是一切教

之根本諸教咸以此經而為規模隨根漸設故云根本法輪○鈔而聖后所翻者即唐第
四帝武后則天順聖后皇帝也元是高宗之
皇后白虎通云天子之配謂之后者君也
天子之配至尊故謂之后也其朝所翻之經

第六

十三

有八十卷文富義博賢首造新修畧疏繞至
夜摩會法界觀鈔云
造疏繞五卷忽然歸寂奄者忽也○
鈔慨者無聲之歎也瑕玉病類絲病也蹠切
韻云蒙也暗也○鈔疏中欲掩等者後之九
既皆指其瑕疵而疏中欲掩也問既疏中欲

掩何故今鈔叙之傳者下答也有二意一恐
後學者要知得失務生正解故二者諸徒堅
請於理難違故問若爾何不隨疏合說之處
而即說之答大經文義浩博弘通動便長時
何煩頻數敘述叙之恐迷宗滯迹耳○鈔世

路以多岐亡羊者列子第八云楊子之隣人
亡羊既率其黨又請楊子之豎童追之楊子
曰嘻亡一羊何追者之衆隣人曰多岐路既
返問獲羊乎曰亡之矣曰奚亡之曰歧路之
中又岐路焉吾不知所之所以返也楊子戚

然變容不言者移時不笑者竟日門人恠之
請曰羊賤畜又非夫子之有而損言笑者何
也楊子不答門人不獲其命孟孫陽出以告
心都子心都子他日與孟孫陽偕入而問曰
昔是第三人遊齊魯之間同師而學進仁義

之道而歸其父問曰仁義之道若何伯曰仁
義使我愛身而後名身體髮膚不敢毀傷仲曰仁義使
我殺身以成名無求生以害仁叔曰仁義使
我身名並全既明且哲保其身彼三術相反而同出
於儒孰是孰非耶楊子曰人有濱際河而居

者習於水勇於泅音日水上操舟鬻渡賣利
供百口裹糧就學者成徒而溺死者幾半本
學泅不學溺而利害如此若以為孰是孰非
汝也心都子默然而出孟孫陽讓責也之曰何
子問之迂音于曲也夫子答之僻吾惑愈甚心都

契

古

子曰大道以多岐亡羊學者以多方喪志學
非本不同非本不一而未異若是唯歸同反
一為亡得喪子長先生之門習先生之道而
不達先生之況也哀哉今借意用之○鈔特
由下如其理淺一人解釋已盡其旨今大經

旨趣既深遠微妙豈但一途能盡其玄言以光法施者智論云依隨經論為立名字皆名法施運清淨心無希名利之垢以法施他也昔可尚也者舉例標之故○五百比丘下釋成如下第六鈔引言下經之中者即世主妙嚴品中說也言經

著等或加行者如天親等時英如智光戒賢等懸記如龍樹楞伽云大慧汝應知善迦涅槃後未來世當有持於我法者南天竺國中大名德比丘歎號爲龍樹能破有無宗世間中顯我無上大乘法得初歡喜地往生安樂

有多家論者如十地經龍樹世親等釋不同金剛一經無着天親論釋有異言論有下唯識一論十師造釋一護法二德惠三安慧四親勝五難陀六淨月七大勝子十智月解入勝支九言如析金杖即脇尊者答健陀羅王義也具如第六鈔引言或登地者如無

國等言依之修行下亦脇尊者言也足字切添物也○鈔故經云者即金剛三昧經也汝非定心證而說故文語非義我如證而說故義語非文況華嚴下以劣况勝彼拔末經尚不離定心况華嚴海印定中所演菩薩定心所

受而不示觀心耶言親所發揮者周易疏云
動發揮散意云宣說顯示也言不叅善友者
謂修行之人我慢所覆不叅善友而但貴尚
尋文以求通決者豈自根器勝過善財童子
等耶寶積經七十二云得人身者彼應依善

知識聽三世佛平等法聞已應發勤精進依
城邑聚落與大眾共居具四部處更互相與
論量佛法學問難答三世佛平等法得現在
前解一切法無有自性修此解故煩惱漸除
等經既云爾何以不叅善友但尚尋文耶言

不貴宗通者楞伽經宗通自修行說通示未
悟今宗不通唯攻解釋言說經連文字等故
僧史云註之者務其詞義科之者逞其區分

執塵

鹿之大者曰塵群鹿隨之皆看塵內往

隨塵尾所轉爲准

今講者執

之象彼有

指揮

搖松

生公猿在虎丘時執松枝鳥談柄

也

古詩云聽徒千箇石談柄一枝松

也但尚其乘機應變解分挫銳唯觀其智刃
詞鋒都忘所詮不求出離即其義也言不能
以下肇公寶藏論云古鏡照精其精自形抱
子曰昔張益弱及偶豪二人精思於蜀雲臺
山石室中忽有四人黃絹單衣葛巾往往到其
前曰勞乎道士辛苦幽隱二人顛視鏡中乃
鹿也搜神記云林慮山下有一亭人每過此

宿者或病死時有郢伯夷宿於此明燭而坐夜忽有十餘人來自共蒲博伯夷密以鏡照之乃是古教照心其心自明如人有眼耳無群犬由自見以鏡照之則見衆生自性亦爾無由自見因聞聖教依教反照方得見也今既不能何可照理照心言玄言理說並謂雷同者

鉢八

大

即祖師門下開決之言不關常習義路理特深隱謂之玄言如戲斷言思等語句也若依義路尋之轉如法界品善財入彌勒樓閣見無盡境出已不見善財問曰此莊嚴事何處去耶彌勒答云於來處去經中之玄言也理說者即訓文釋義

接引學流乃義學之所習者也此既朗然成異何以一蓋俱同曲禮云無雷同注云雷同不同時應而生芽者取一蓋不分之意問既破他為雷同自立頓教兼收南北二宗禪教不分豈非雷同答經中具有玄言理說今但破其釋時雷同不分今雖一教之中頓漸亦異禪教各別如一百法俱為始教所詮而五位依圓成異此亦應爾故言不知萬行等者湏彌偈讚云不能了自心云何知正道由彼顛倒惠增長一切惡解脫長者誠善財云善男子應以善法扶

注云雷同發於物無

助自心應以法水潤澤自心應以境界淨治
自心應以精進堅固自心應以忍辱坦蕩自
心應以智證潔白自心應以智慧明利自心
等故知萬行皆了自心也言一生驅驅下問
明品云如人數他寶自無半錢分於法不脩

行多聞亦如是疏云但說佛菩薩功德不言能求諸身心故其無分也
或年事下大法炬陀羅尼經云說法者應常
宣說法不得休懈若常說法法則增長利益
人天若不宣說法則衰殄今既棄教則違抑
佛心也言誤後學者如自落坑引他墜井○

鈔今皆反此下應皆反上說之謂已參善友
要自宗通聖教照心智達經旨玄言理說各
別區分先了自心復在勤行自少及老禪教
雙行豈唯上順佛心抑亦爲物軌範故製茲
疏言即事即行者即所說事而能行之如說

而脩行如行而說教言用以心傳心下以禪
會教也然心非箇物乃不可傳但以符契義
言傳耳南宗則慧能之禪北宗則神秀之禪
雖頌漸有異而見性無殊故皆會之天台山
即智者大師衡山即思大師皆宗空假中三

觀之玄趣而疏文撮以釋經言使教合亡言
之旨者教說契於禪心心同諸佛之心者禪
心合於教意也無違下禪講兼備也亦是通
妨妨云上難苑公玄言理說不分今禪教契
合豈非雷同此答也言不假更看下瑜伽八

十六云不觀他面不看他口於此正法毘柰
耶中一切他論所不能轉意云既自通達不
隨他語亦不看他顏面別覓一句一偈謂是
忘機之法門以依法不依人故但解此疏目
然諸疑頓息內照自明也言彰乎大理之言

者或聖教彰大理之言疏為辨明令人易了
文處多難可具述解字唯買切○鈔三扶首
大義下以刊定記破昔成非今疏扶昔賢首
大義不欲掩昔賢故言幽旨包博等者比唐
經多缺比餘經全盛故言賢首方周者以光

卷八

大

統律師靈裕法師慧遠法師等皆有疏釋唯
探玄二十卷妙義方周故言講得五雲凝空
者即講唐經時祥瑞也以講經時口出光明
湧更成於雲蓋等然有三度放光如下具示
言六種震地一動二起三湧此三約相四震五吼

六擊此三約聲或東湧西沒南湧北沒中湧邊沒

六相也即證聖二年十二月十二日晚講至
華藏世界海震動之文其講堂內及寺院中
忽然震動于時道俗數千共觀歎未曾有有
處說四簷垂地故大慈愛寺碑云祥光瑞彩

欝欝哉齊日排空佛殿法堂隱隱然垂簷接
地等言雖入下前列子中事徒過下法華經
中擊珠喻也言大義屢垂者孝經序云嗟乎
夫子沒而微言絕異端起而大義乖今借用
之可知言立四教者一迷貞異執教二貞一

分半教三真一分滿教四真具分滿教以圓
終二教為第四始教為第三小教為第二不
立頓教更加第一以當異教故云雜以邪宗
言使權實不分者三是權四是實而皆云滿
故不分也言頓漸安辯者不立頓教故言併

卷八

九

十玄下彼立二種十玄謂德相業用問相用
區分豈無異轍答如百法中八識通漏無漏
不須分為兩重彼既不爾此云何然言使德
相下德相無相即相入二門業用中却有之
然體是即用之體今既體無入即體用不相

即也彼立德相唯淨業用通染二門既別無真妄交徹之義也言出十玄下既立德用二玄之果所由之因却但准一真如即德用二門何別自語相違也問准下理性融通具德用二義何故以此難耶答非不許理性之因

具於德用但不許立二玄別也言以緣起相由下如光明覺品云一中解無量無量中解一了彼互生起當成無所畏刊定云了一多互生一多念息一多平等此會差別歸平等性即理事無礙非事事無礙破賢首云應密

思其文勿謬解也即理性融通義清涼云以一有力一無力不相違故有此恒相在也緣起法理數常爾稱斯而見何所畏哉即扶賢首大義耳若約前釋則大緣起門隱矣今申上古下新疏謂清涼所造之疏也對刊定之

舊故問新疏中多有同刊定之文莫不扶刊定否答有同彼文者彼亦用賢首之文今亦同用之矣○鈔使質而不野者論語質勝文則野文勝質則史文質彬彬然後君子今皆用之意云言雖簡而理詣故質而不野故泰

秋序云豆高則音遠詞約則義微也○鈔多不窮其始末者或置後引初或隱首露尾但事偏詞竟無正理言或用法相者且法相名義諸宗皆有豈可盡為權耶言又不分其通局者如三性二諦等則通融與不融則局言

鉉人

平

意態者名訓雙舉也○鈔當得佛故者經云以發心故常爲三世一切諸佛之所憶念當得三世一切諸佛體性平等云何以故以是發心當得佛故疏云徵意云何以發心即得果耶釋云以是發心爲因決定當得佛故望

圓極之果故定當成約見性成智身上品云即得即淨行品初發心時便成正覺之義故晉經梵本此中皆云即是佛故者當比義也鈔釋云當字是譯人意欲不壞初後故作此譯今意例顯刊定不曉便以探玄即義釋今當字以此爲例上

下多爾言十行已前賢首新修畧疏唯至第十九卷故

華嚴懸談會玄記卷第八

永樂北藏

華嚴懸談會玄記

第一八三冊